



# თბილისის მუშაკთა საერთო კრებები, მიძღვნილი საბჭოთა კავშირის კომუნისტური პარტიის XX ყრილობის მუშაობის შედეგებისადმი

თბილისში იმართება საწარმო-დაწესებულებათა, სასწავლებელთა კოლექტივების საერთო კრებები, მიძღვნილი საბჭოთა კავშირის კომუნისტური პარტიის XX ყრილობის მუშაობის შედეგებისადმი. კრებებზე მოხსენებებს აკეთებენ ყრილობის დელეგატები.

თბილისის 26 კომისრის სახელობის მანქანათმშენებელი ქარხნის მუშა-მოსამსახურეთა, ინჟინერ-ტექნიკურ მუშაკთა კოლექტივის საერთო კრებაზე საბჭოთა კავშირის კომუნისტური პარტიის ისტორიული XX ყრილობის შედეგების შესახებ მოხსენება გააკეთა საქართველოს სსრ უმაღლესი საბჭოს პრეზიდიუმის თავმჯდომარემ მ. დ. ჩუბინიძემ. პარტიის XX ყრილობის მუშაობისა და გადაწყვეტილებათა შესახებ მოხსენება გააკეთეს სტალინის სახელობის თბილისის სახელმწიფო უნივერსიტეტში — საქართველოს კომუნისტური პარტიის ცენტრალური კომიტეტის მეორე მდივანმა მ. პ. გიორგაძემ, კიროვის სახელობის ჩარხმშენებელ ქარხანაში — საქართველოს კომუნისტური პარტიის თბილისის საქალაქო კომიტეტის პირველმა მდივანმა ე. ა. სეხნიაშვილმა, ტრამვაი-ტროლეიბუსის სამმართველოში — საქართველოს სსრ მინისტრთა საბჭოს თავმჯდომარის პირველმა მოადგილემ მ. ი. კუჭავამ, ლოკომოტივმშენებელ ქარხანაში — ამიერკავკასიის რკინიგზის სამმართვე-

ლოს უფროსმა დ. გ. მამაცაშვილმა, სტალინის სახელობის ორთქლმავალ-ვაგონმშენებელ ქარხანაში — მექანიკური საამქროს ხარატმა ი. დ. ჭუმბურიძემ და სხვებმა.

კრებები დიდი აქტივობით მიმდინარეობს. კრებების მონაწილენი თავიანთ გამოსვლებსა და მიღებულ რეზოლუციებში მხურვალედ იწონებენ და მისაღმებიან კომუნისტური პარტიის ბრძნულ საშინაო და საგარეო პოლიტიკას, საბჭოთა კავშირის კომუნისტური პარტიის XX ყრილობის ისტორიულ გადაწყვეტილებებს, რომლებიც სახავენ ჩვენი სამშობლოს ეკონომიკისა და კულტურის შემდგომი აღმავლობისა და აყვავების, საბჭოთა ხალხის კეთილდღეობის გაუმჯობესების, მთელი მსოფლიოს მშვიდობის განმტკიცების ახალ დიდებულ პროგრამას. მშრომელები ერთსულოვნად აცხადებენ, რომ მზად არიან თავდადებით იბრძოლონ, რათა განხორციელდეს საბჭოთა კავშირის კომუნისტური პარტიის XX ყრილობის გადაწყვეტილებანი, ვადამდე შეასრულონ შეექვსე ხუთწლიანი გეგმის დავალებანი.

კრებები იქცევა კომუნისტური პარტიისა და მისი ლენინური ცენტრალური კომიტეტის გარშემო, საბჭოთა მთავრობის გარშემო საქართველოს მშრომელთა ურღვევი დარაზმულობის მკაფიო დემონსტრაციად. (საქდესი).

საბჭოთა კავშირის კომუნისტური პარტიის XX ყრილობის  
მასალები ქართულ ენაზე

საქართველოს სახელმწიფო გამომცემლობამ ქართულ ენაზე ცალკე ბროშურად გამოასცა ამხანაგების კ. ე. ვოროშილოვის, ლ. მ. კაგანოვიჩის, ა. ი. კირიენკოს, გ. მ. მაღენკოვის, ა. ი. მიქოიანის, ვ. მ. მოლოტოვის სიტყვები

საბჭოთა კავშირის კომუნისტური პარტიის XX ყრილობაზე.

ბროშურები პარტიის XX ყრილობის მასალებით გამოიცა მასობრივი ტირაჟით.

(საქდესი).